

**Kalaallit ujaraataasa erlinnartut uppersaatigisinnaasannik periarfissanik
assigiinngitsunik nassuiaasioqqullugit kingusinnerpaamik UPA 2016-mi
saqqummiunneqartussamik Naalakkersuisut peqquneqarnissaannik Inatsisartut
aaliangiiffigisassaattut siunnersuut**
(Peter Olsenimit, Inuit Ataqatigiit, saqqummiunneqartoq)

pillugu

Aatsitassanut Ataatsimiititaliap

ISUMALIUTISSIISSUTAA

Siunnersuutip aappassaneerpeqarnerani saqqummiunneqartoq

Aatsitassanut Ataatsimiititaliap suliarinninnermini ukuninnga inuttaqarpoq:

Jens Erik Kierkegaard	Siumut	siulittaasoq
Juliane Henningsen	Inuit Ataqatigiit	siulittaasup tullia
Ineqi Kielsen	Siumut	
Sivert K. Heilmann	Atassut	
Naaja Nathanielsen	Inuit Ataqatigiit	
Agathe Fontain, sinniisoq	Inuit Ataqatigiit	
Randi V. Evaldsen	Demokraatit	

Ulloq 14. oktober siullermeerinerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Kalaallit ujaraataasa pinnersaasiassat uppersaaserneqarsinnaanerannut periarfissat assigiinngitsut pillugit nassuiaammik saqqummiusseqqullugit Naalakkersuisut peqquneqarnissaat aalajangiiffigisassatut siunnersuutikkut saqqummiunneqartukkut siunnersuutigineqarpoq.

Ujaqqat erlinnartut unioqqutitsilluni suliaannginnerannik aammalu ileqqorissaarnermik tunngaveqarluni suliarineqarsimanerannik nunallu innuttaannut aporaannertaqanngitsumik piaaffimmeersuunerannik Kalaallit Nunaata ujaraanik erlinnartunik niuerutiginnittoqartoq uppersaammik allassimanissaa siunnersuuteqarnermi kissaatigineqarpoq.

Naalakkersuisut akissuteqaamminni aallarniutigalugu erseqqissaatigaat oqaaseq ”ujaqqat erlinnartut” suliffissuaqarnermi atorneqarunnaarsimammat, taarsiulluguli ”ujaqqat pinnersaasiassat” atoritsik.

2. Siunnersuutip Inatsisartuni siullermeerneqarnera

Ataatsimiititaliamit aallarniutigalugu oqaatigineqarsinnaavoq siunnersuut Inatsisartunit tapersorsorluarneqarmat. Tamanna ataatsimiititaliamit tusaatissatut tiguneqarpoq, taamatullu ataatsimut isigalugu isumaqatigiittoqarnera tunngavigalugu isumaliutissiissummik naatsumik saqqummiussissalluni.

3. Ataatsimiititaliap siunnersuummik suliarrinninnera

Aalajangiiffigisassatut siunnersuummi piffissap nassuiaammik saqqummiussivissap UPA16-imit UKA16-imit allanngortinneqarnissaa pillugu allannguutissatut siunnersuummik ataatsimiititaliap saqqummiussinissaa siunnersuut siullermeerneqarmat annertuumik taperserseqartoq ataatsimiititaliap maluginiarpa.

Ujaqqanik pinnerasaasiassanik uppernarsaasiisarnissaq pillugu isumasioqatigiinnermik 2015-imi novembarimi ingerlatsisoqalersaartoq aammalu inerniliussat nassuiaatissamut ilanngunneqarsinnaanissaannut isumasioqatigiinnermit tassannga angusassat Naalakkersuisunit utaqqimaarneqartut Naalakkersuisut akissuteqaamminni paasissutiissiissutigaa. Tamanna tunngavigalugu pineqartoq pillugu nassuiaammik saqqummiussinissamut piffissaliunneqartup kinguartinneqarnissaa Naalakkersuisut kissaatigaat. Tunngavilersuutit siuliani allassimasut innersuussutigalugit Naalakkersuisut siunnersuut itigartippaat.

Naalakkersuisut suliarni matumani isumaat ataatsimiititaliamit isumaqatigineqanngilaq aammalu UPA16-imit UKA16-imit allanngortitsineq pissutigalugu aalajangiiffigisassatut siunnersuutip itigartinneqarnissaa pisariaqanngitsut isigalugu. Taamaattumik ataatsimiititaliap isumaqatigiittup allannguutissatut siunnersuut matuma kingulianiittoq saqqummiuppaa:

Allannguutissatut siunnersuut:

Kalaallit ujaraataasa pinnerasaasiassat uppernarsaaserneqarsinnaanerannut periarfissat assigiinngitsut pillugit nassuiaammik UKA 2016-imi saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

4. Siunnersuutip aningaasatigut kingunerisassai

Ilaasortap siunnersuutaani allassimavoq siunnersuutip akuerineqarnera nassuiaatip suliarineqarnissaani allaffissornermi AC-tut atorfiup affaanik naleqartumik aningaasaqarnermut kinguneqassasoq. Siunnersuuteqartup aalajangiiffigisassatut siunnersuummini aningaasaqarnikkut kingunerisassat pillugit nassuiaatigisaasa saniatigut allatut naliliinissaminut ataatsimiititaliaq tunngavissaqarsorinngilaq.

5. Ataatsimiititaliap inassuteqaataa

Allannguutissatut siunnersuut **akuerineqassasooq ataatsimiititaliap isumaqatigiittup inassutigaa.**

Taama naatsumik isumaliutissiissummilu allassimasunik oqaaseqarluni ataatsimiititaliap siunnersuut aappassaaniigassanngortippaa.

Jens Erik Kierkegaard
Siulittaasoq

Juliane Henningsen

Ineqi Kielsen

Naaja H. Nathanielsen

Agathe Fontain

Sivert K. Heilmann

Randi V. Evaldsen